

18/02/1998

Perdana Menteri lawat Brunei hari ini

KUALA LUMPUR, Selasa - Datuk Seri Dr Mahathir Mohamad akan melawat Brunei esok untuk membincangkan keadaan terkini ekonomi dan kewangan di rantau ini dengan Sultan Hassanal Bolkiah.

Perdana Menteri akan diiringi isterinya, Datin Seri Dr Siti Hasmah Mohd Ali, menurut satu kenyataan Kementerian Luar hari ini.

Lawatan sehari ke Bandar Seri Begawan itu adalah sebahagian daripada siri pertemuannya dengan pemimpin Asean mengenai krisis itu. Dr Mahathir dan Sultan Hassanal kali terakhir bertemu pada Disember lalu di sidang kemuncak tidak rasmi kedua Asean.

Negara Asean sedang menimbangankan cadangan untuk berdagang menggunakan mata wang mereka berbanding dolar Amerika yang lebih kukuh.

Dr Mahathir sebelum ini mengadakan misi lawatan serupa ke Thailand, Filipina dan Singapura.

Kedua-dua negara bersetuju bekerjasama antara satu sama lain dan juga bersama rakan-rakan Asean yang lain bagi mengembalikan kestabilan mata wang serantau.

(END)